



Universitätsbibliothek Paderborn

**Theologia Moralis Universa, Complectens Omnia Morum
Præcepta, Et Principia Decisionis Omnium Conscientiæ
Casuum, Suis Quæque Momentis Stabilita**

Ad usum Parochorum, & Confessariorum

Continens Tractatus De Obligationibus Specialibus Certorum Statuum, De
Sacramentis In Genere, Et In Specie, Et De Censuris Et Irregularitatibus

Antoine, Paul-Gabriel

Ingolstadii, MDXXXIV.

VD18 90392167

Q. 2. Quibusnam Sacra menta essentialiter perficiuntur?

urn:nbn:de:hbz:466:1-41032

Sacra menta novæ Legis sunt septem, non plura nec pauciora, videlicet Baptismus, Confirmatio, Eucharistia, Pœnitentia, Extrema-
Unctio, Ordo, & Matrimonium. Conc. Trid.
sess. 7. can. I.

Q. 2. Quibusnam Sacra menta essentialiter per-
ficiuntur?

Resp. Omnia Sacra menta tribus perficiuntur,
videlicet rebus tanquam materiæ, verbis tanquam
formâ, & personâ Ministri conferentis Sacramen-
tum cum intentione, faciendi quod facit Ecclesia,
quorum si aliquod defit, non perficitur Sacramen-
tum. Conc. Florentin. in decreto de Sacram.
& constat etiam ex traditione & perpetua pra-
xi Ecclesiæ.

Porro Materia Sacra menti dicitur id, quod
in Sacra mente minus perfectè significat ejus
effectum: unde debet determinari per aliud
ad eum perfectè significandum. Duplex est
materia nempe remota, & proxima. Mate-
ria remota est res, quæ adhibetur, ut Aqua in
Baptismo. Proxima est usus seu applicatio
talis rei, ut Ablutio. Forma vero est aliquid
sensibile quod clarius effectum Sacra menti in-
dicat, & determinat, ac perficit significatio-
nem materiæ obscuram, nec satis determina-
tam. Verba autem strictè sumpta, seu voca-
lia, sunt forma essentialis in omnibus Sacra-
mentis, saltem præter Matrimonium, quod
juxta communiores sententias, potest per-
fici

fici sine benedictione Sacerdotis, sed solâ Scripturâ, vel nutu exprimente mutuum consensum, quæ sunt verba virtualia, in quantum sunt expressiva consensûs, & sufficiunt in contractibus; quia, inquiunt, cum hoc Sacramentum consistat adæquatè in contractu Matrimoniali, quem Christus evexit a deesse Sacramenti, nihil ad ejus valorem requiritur, nisi quod ad legitimum contractum necessarium est. Unde in decreto citato dicitur Matrimonium effici mutuo contrahentium consensu, regulariter per verba de præsenti expresso. Aliud est de sex aliis, ut constat ex traditione, & praxi Ecclesie.

Q. 3. Qualis unio inter materiam & formam requiritur ad valorem Sacramentii?

Resp. Requiritur utriusque coexistentia, seu simultas moralis, quæ secundum significationem verborum formæ & qualitatem actionis, per quam Sacramentum fit, sufficiat tum ad veritatem formæ, tum ut verba censemantur cadere super talem materiam, & cum illa unum totale signum constituere. Sic in Baptismo requiritur talis conjunctio, ut dum Minister verba profert, censematur moraliter etiam lavare. Hæc autem unio moralis sufficit, quia Sacramentum est compositum quoddam morale, conficiendum ab hominibus, ideoque more humano; & major non est sæpe possibilis moraliter: unde si exigetur, Sacra menta sæpe irrita forent.

Porro